



BOSNIA AND HERCEGOVINA
MINISTRY OF FINANCE
AND TREASURY

CENTRALNA/SREDIŠNJA HARMONIZACIJSKA JEDINICA
ЦЕНТРАЛНА ХАРМОНИЗАЦИЈСКА ЈЕДИНИЦА

Broj: 03-1-02-2-103-1/22
Sarajevo, 05.04.2022. godine

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17) i člana 33f. stav (2) tačka b) i d), člana 33i. stav (2) Zakona o finansiranju institucija Bosne i Hercegovine („Službeni glasnik BiH“ br. 61/04, 49/09, 42/12, 87/12 i 32/13), direktor Centralne harmonizacijske jedinice Ministarstva finansija i trezora Bosne i Hercegovine, *d o n o s i*

O D L U K U

o donošenju „Pravilnika za procjenu kvaliteta sistema finansijskog upravljanja i kontrole u institucijama Bosne i Hercegovine“

Član 1.
(Predmet Odluke)

Centralna harmonizacijska jedinica Ministarstva finansija i trezora Bosne i Hercegovine (dalje u tekstu CHJ MFIT BiH) donosi i objavljuje Pravilnik za procjenu kvaliteta sistema finansijskog upravljanja i kontrole u institucijama Bosne i Hercegovine (dalje u tekstu: Pravilnik), kojim se uređuju postupci za procjenu kvaliteta i vršenje analiza sistema finansijskog upravljanja i kontrole u institucijama BiH, kao i izvještavanje o izvršenoj procjeni od strane CHJ MFIT BiH.

Član 2.
(Ciljevi procjene kvaliteta sistema finansijskog upravljanja i kontrole)

Ciljevi vršenja procjene kvaliteta sistema finansijskog upravljanja i kontrole su:

- a) identificirati praksu i utvrditi prioritete za unapređenja sistema finansijskog upravljanja i kontrole;
- b) pratiti efikasnost procesa upravljanja rizicima i primjene internih kontrola;
- c) davati preporuke i smjernice za unapređenje sistema finansijskog upravljanja i kontrole;
- d) pratiti realizaciju mjera iz godišnjih akcionih planova za realizaciju strategije iz oblasti javnih internih finansijskih kontrola;
- e) izvještavati Vijeća ministara BiH o stanju, napretku i planiranim mjerama za unapređenje sistema finansijskog upravljanja i kontrole u institucijama BiH.

Član 3.
(Primjena)

- (1) CHJ MFIT BiH donosi Godišnji plan za procjenu kvaliteta sistema finansijskog upravljanja;
- (2) Procjena se može vršiti i na zahtjev rukovodioca institucije;
- (3) Procjena se vrši na osnovu podataka iz upitnika za procjenu kvaliteta sistema finansijskog upravljanja;
- (4) Procjena sistema finansijskog upravljanja i kontrola zasniva se na procjeni pet (5) komponenti COSO okvira, a sistem finansijskog upravljanja i kontrole ocjenjuje se po skali od pet (5) stepeni razvoja.

Član 4.
(Dostupnost Pravilnika)

- (1) Pravilnik se objavljuje na web stranici CHJ MFIT BiH <https://chj.mft.gov.ba> (u rubrici *Finansijsko upravljanje i kontrola - propisi*), odnosno na web stranici Ministarstva finansija i trezora Bosne i Hercegovine (www.mft.gov.ba), u dijelu koji se odnosi na Centralnu harmonizacijsku jedinicu.
- (2) CHJ MFIT BiH će obavijestiti sve institucije BiH o donošenju Pravilnika s informacijom o dostupnosti Pravilnika na web stranici.

Član 5.
(Stupanje na snagu)

- (1) Ova odluka stupa na snagu osmog dana od dana objavljivanja u „Službenom glasniku BiH“.
- (2) Odluka o donošenju Pravilnika objavljuje se i na web stranici CHJ MFIT BiH <https://chj.mft.gov.ba> (u rubrici *Finansijsko upravljanje i kontrola - propisi*), odnosno na web stranici Ministarstva finansija i trezora Bosne i Hercegovine (www.mft.gov.ba), u dijelu koji se odnosi na Centralnu harmonizacijsku jedinicu.

DIREKTOR

Ranko Šakota, s.r.